

**KJKP "RAD" d.o.o. SARAJEVO**  
- v.d. Direktor -

**Broj: 05-03-04-\_\_\_\_\_/21**  
**Sarajevo, 28.01.2021. godine**

Na osnovu člana 70. Zakona o javnim nabavkama BiH ("Službeni glasnik BiH", broj 39/14) i člana 47. Statuta KJKP "RAD" d.o.o. Sarajevo, v.d. direktor Mirsad Hošić donosi:

**O D L U K U**  
**o poništenju postupka za javnu nabavku usluge**

**I**

Poništava se postupak za javnu nabavku usluge recertifikacijskog audita 9001:2015.

**II**

Odluka stupa na snagu danom donošenja.

**O B R A Z L O Ž E N J E**

KJKP "RAD" d.o.o. Sarajevo je dana 31.12.2020. godine na web stranici KJKP "RAD" d.o.o. Sarajevo objavio postupak javne nabavke putem Aneksa II dio B Zakona o javnim nabavkama BiH, za izbor najpovoljnijeg ponuđača za javnu nabavku usluge recertifikacijskog audita 9001:2015, sa rokom dostave ponuda 14.01.2021. godine.

Po predmetnom postupku broj protokola: 21612/20 od dana 31.12.2020. godine, pristigle su 4 (četiri) ponude i to ponude firmi:

- **TUV CROATIA d.o.o. Zagreb**
- **DQS BH d.o.o. Sarajevo**
- **TUV ADRIA d.o.o Sarajevo**
- **INSTITUT ZA CERTIFICIRANJE d.o.o. Sarajevo**

Komisija za javnu nabvku je u toku provođenja postupka i nakon detaljnog pregleda dostavljene dokumentacije utvrdili sljedeće:

- Ponuđač **TUV CROATIA d.o.o. Zagreb** nije ovjerio kod nadležnog organa Izjavu iz člana 52. (stranica ponude 5/72), te je postupio suprotno zahtjevima iz tenderske dokumentacije. Ponuda je ocijenjena kao **nepotpuna i neprihvatljiva**.
- Ponuđač **DQS BH d.o.o. Sarajevo** nije priložio potvrdu kojom dokazuje svoju akreditaciju za provođenje usluge certifikacije sistema upravljanja kvalitetom, a što je izričito zahtjevano od strane Ugovornog organa. Naime, priložena Potvrda o akreditaciji nije izdata od strane ovlaštenog tijela za dodjelu akreditacija, nego kao interna Potvrda o akreditaciji od strane DQS Holding GmbH Njemačka, što se ne može prihvatiti kao validan dokaz da je DQS BH d.o.o. Sarajevo akreditiran za provođenje usluge certifikacije sistema upravljanja kvalitetom. Ponuda je ocijenjena kao **nepotpuna i neprihvatljiva**.
- Ponuđač **TUV ADRIA d.o.o Sarajevo** nije dostavio potvrdu o akreditaciji, već potvrdu o poslovnoj suradnji sa akreditiranom certifikacijskom kućom, te je postupio suprotno zahtjevima iz tenderske dokumentacije. Nadalje ponuđač nije dokazao ekonomsku i finansijsku sposobnost na način kako je zahtjevano tenderskom dokumentacijom. Naime ponuđač je u ponudi dostavio izvještaj o računima poslovnog subjekta na dan 07.01.2021. godine, te navedeni izvještaj dokazuje trenutno stanje

računa ponuđača. Dostavljeni izvještaj ne dokazuje period od 3 mjeseca prije predaje ponude, a kako je traženo tenderskom dokumentacijom. Shodno navedenom iz izvještaja se ne može utvrditi da li su navedeni računi bili blokirani ili nisu. Ponuda je ocijenjena kao **nepotpuna i neprihvatljiva**.

- Ponuđač **INSTITUT ZA CERTIFICIRANJE d.o.o. Sarajevo** nije dokazao ekonomsku i finansijsku sposobnost na način kako je zahtjevano tenderskom dokumentacijom. Naime ponuđač je u ponudi dostavio izvještaj o računima poslovnog subjekta na dan 12.01.2021. godine, te navedeni izvještaj dokazuje trenutno stanje računa ponuđača. Dostavljeni izvještaj ne dokazuje period od 3 mjeseca prije predaje ponude, a kako je traženo tenderskom dokumentacijom. Shodno navedenom iz izvještaja se ne može utvrditi da li su navedeni računi bili blokirani ili nisu. Iz dostavljene potvrde o akreditaciji ponuđača, vidljivo je da ponuđač nije akreditovan za provođenje audita za djelatnost kojom se bavi KJKP“RAD“ d.o.o. Sarajevo. Ponuda je ocijenjena kao **nepotpuna i neprihvatljiva**.

Obzirom da se radi o postupku javne nabavke iz Anexa II dio B Zakona o javnim nabavkama BiH i da nije dostavljena **niti jedna prihvatljiva ponuda**, Komisija za javne nabavke daje prijedlog odgovornom licu u Ugovornom organu da u skladu sa članom 69. stavom 1. tačka (b) Zakona o javnim nabavkama BiH, postupak predmetne javne nabavke **poništi**.

Smatram da je Komisija pravilno postupila kada je uzela u obzir gore navedene činjenice i kada je predložila da se predmetni postupak javne nabavke **poništi**. Iz tih razloga prihvatam prijedlog Komisije i donosim odluku kao u dispozitivu.

**Pouka o pravnom lijeku:** Protiv ove Odluke može se uputiti žalba u roku od pet (5) dana od dana prijema ove Odluke. Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom, i to u dovoljnom broju primjeraka, a koji ne može biti manji od tri.

**KJKP „RAD“ d.o.o. Sarajevo  
v.d Direktor**

---

Mirsad Hošić, dipl.ing.maš.

**DOSTAVITI:**

- Ponuđačima;
- A/a;